



ՀԱՅՐԵՆԻ ԹԵՄԵՐՈՒՄ

ԳԵՐԱՇՆՈՐՀ Տ. ԴԵՐԵՆԻԿ ԵՊԻՍԿՈՊՈՍ ՓՈԼԱՅՅԱՆԸ ՇԻՐԱԿԻ ԹԵՄՈՒՄ

Գերաշնորհ Տ. Դերենիկ եպիսկոպոս Փալատյանը փետրվարի 1-ին, ուրբաթ օրը, ժամանեց Լենինական, ընկերակցությամբ հոգևորհ Տ. Նղիշե վարդապետ Սարգսյանի, պատարագելու և բանին կենաց քարոզությամբ հոգեպես մխիթարելու հավատացյալներին:

Փետրվարի 2-ին, շաբաթ օրը, երեկոյան, Տ. Դերենիկ սրբազանը «Հրաշափառ»-ով մուտք գործեց Ս. Աստվածածին եկեղեցին՝ նախագահելու կիրակամտի ժամասացության և քարոզելու: Թեմի առաջնորդական տեղապահ բարձրապատիվ Տ. Կոմիտաս վարդապետը քահանայական դասի և հավատացյալների անունից բարի գալստի և ողջունի ջերմ ու անկեղծ խոսք ասաց Դերենիկ սրբազանին:

Հավարտ երեկոյան ժամերգության Դերենիկ սրբազանը քարոզեց «Համբարձի գաշ իմ ի լեբինս ուստի եկեսցէ ինձ օգնութիւն» բնաբանով: Սրբազանը դիտել տվեց, որ լեռներն այն խարսխահաստատ ամրություններն են, որոնց մարդիկ միշտ նայել են իբրև իրենց ապաստանն ու ապավենը: Բայց լեռներից այն կողմ, ավելի վերևում, մարդու բուն ապավենը Աստված է, որ «արար գերկինս և գերկիր»: Աստուծուց է, որ դալիս է ճշմարիտ օգնությունը հավատացյալներին: Հայ ժողովրդի ապավենն ու փրկությունը միշտ եղել է Աստված, որին նա ջերմորեն աղոթել է և հավատացել, որ բոլոր օգնությունները, բարի տուրքերն ու կատարյալ պարգևները նրանից են գալիս:

Փետրվարի 3-ին, կիրակի օրը, Դերենիկ եպիսկոպոսը Ս. Աստվածածին եկեղեցում մատուցեց հանդիսավոր սուրբ պատարագ: Եկեղեցին լցվել էր հավատացյալների հոծ բազմությամբ: Բարեպաշտ հասարակությունը եկել էր եկեղեցի սրբազան հոր պատարագին ներկա գտնվելու և ունկնդրելու նրա քարոզը:

Պատարագի ընթացքում սրբազանը կատարեց շնորհարարություն. ուրարակիր Կարապետ Քելամյանը ձեռնադրվեց սարկավագ: Լենինականի եկեղեցու երգչախումբը Տ. Կոմիտաս վարդապետի ղեկավարությամբ հրաշալի կերպով կատարեց բառաձայն պատարագի երգեցողությունը:

Պատարագի միջոցին սրբազանը քարոզեց «Բարեխօսութեամբ վերին քո զօրացդ միշտ անշարժ պահեա զԱրքո Հայկազնեան» բնաբանով: Բացատրեց Արքո բառի իմաստը, որ այս դեպքում Հայոց եկեղեցու հայրապետական իշխանությունն իսկ է: Ցույց տվեց, թե ինչպես այդ իշխանությունը, դարերի ընթացքում, ղգոն արթնամտությամբ և իմաստությամբ ղեկավարել է Հայաստանյայց Ս. եկեղեցին և մեր ժողովուրդը: «Հայի գոյատևման յուրաքանչյուր նշմարն ու նշխար անձառնի կապով զուգորդված է այդ իշխանության հետ», — ասաց սրբազանը և մաղթեց, որ նա մնա միշտ անսասան՝ առաջնորդելու իր հոտը ճշմարիտ կյանքին՝ Աստուծո:

Պատարագի ավարտման հավատացյալ ժողովուրդը, դոհ և սփոփված, մոտեցավ սրբազանի աջը համբուրելու և ստանալու նրա

օրհնությունը: Այնուհետև Դերենիկ եպիսկոպոսը վերադարձավ ավանդատուն, որտեղ նրան էին սպասում երգչախմբի անդամները: Սրբազանը «Պահպանիչ»-ով իր օրհնությունը տվեց նորակազմ խմբին և իր շնորհակալությունն ու գոհունակությունը հայտնեց հաջող երգեցողության համար:

Սուրբ պատարագից հետո Տ. Դերենիկ եպիսկոպոսը, Տ. Կոմիտաս և Տ. Նղիշե վարդապետների ընկերակցությամբ, այցելեց Լենինականի տեսարժան վայրերը: Նրանք եղանակ և Արագածի լանջերում:

Կիրակի, երեկոյան ժամերգությունից հետո, սրբազանը դարձյալ քարոզեց հետևյալ բնաբանի շուրջ. «Փա՛ռք՝ Քեզ, Աստուած, Փա՛ռք՝ Քեզ, յաղագս ամենայնի, Տէ՛ր, Փա՛ռք

Քեզ»: Ոսկեբերան եռամեծ վարդապետի աղոթքն է այս, ասաց քարոզիչ սրբազանը, ապա իր խոսքի մեջ ծանրացավ այն գաղափարի վրա, թե անհատապես կամ ազգովին փառք և գոհություն պետք է տանք Աստուծո՛ւ մեր կյանքի բոլոր հանգրվաններին, ուրախության թե կսկիծի մեջ, երջանկության թե տառապանքի, հարստության թե աղքատության մեջ: Գոհանալ պարտինք հանապազ Աստուծուց և փառք տալ Նրան: Այսպիսով է, որ կարող ենք գտնել հոգեկան երջանկություն:

Երկուշաբթի օրը գերաշնորհ Տ. Դերենիկ եպիսկոպոսը հրաժեշտ տվեց Շիրակի թեմին և մեկնեց լավագույն տպավորություններով:

ԼԵՆԻՆԱԿԱՆԻ ԹՂԹԱԿԻՑ

ԳԵՐԱՇՆՈՐՀ Տ. ԴԵՐԵՆԻԿ ԵՊԻՍԿՈՊՈՍ ՓՈԼԱՏՅԱՆԸ ԲԱԲՎՈՒՄ

Փետրվարի 22-ին գերաշնորհ Տ. Դերենիկ եպիսկոպոս Փոլատյանը, որը հյուրաբար գտնվում էր Մայր Աթոռում, Ս. Մենդյան տունների կապակցությամբ, հրաժեշտ առավ Վեհափառ Հայրապետից և Մայր Աթոռի միաբանությունից:

Դերենիկ սրբազանը, իր վերադարձի ճանապարհի վրա, այցելեց նաև Աղբյուրների մայրաքաղաք զեղեցիկ Բաքուն, ընկերակցությամբ Մայր Աթոռի փոխ-լուսարարապետ հոգեշնորհ Տ. Նղիշե վարդապետ Սարգսյանի:

Աղբյուրների և Թուրքեստանի միացյալ թեմը մեր հայաշատ թեմերից է, որտեղ գովելի աշխատանք է կատարում առաջնորդական փոխանորդ հոգեշնորհ Տ. Տիրայր վարդապետ Մարտիկյանը, գործակից ունենալով կյանքի և աշխատանքի փորձով հարուստ արժանապատիվ քահանա հայրերին և թեմական խորհրդի հավատավոր ու նվիրված անդամներին: Մեր գնացքը, կտրելով հայրենի ձյունածածկ և ընդարձակ դաշտերը, Արարատի փեշերով ու Մայր Արաքսի ափերով փետրվարի 23-ին, շաբաթ օրը հասավ Բաքու: Դերաշնորհ սրբազանին դիմավորելու համար կայարան էին եկել, առաջնորդական փոխանորդ Տ. Տիրայր վարդապետի գլխավորությամբ մայրաքաղաքի քահանայից դասը, թեմական խորհրդի անդամները, եկեղեցու քառաձայն երգչախմբի անդամները և բազմաթիվ հավատացյալներ: Սրբազանը առաջնորդվեց Բաքվի հայոց Ս. Գրիգոր Լուսավորիչ եկեղեցին, ուր հավաքված էր հավատացյալների մի մեծ բազմություն, և ուր սրբազանը մուտք գործեց «Հրաշափառ»-ով Ապամ սրբազանին բարի գալուստի խոսք ասաց հոգեշնորհ Տ. Տիրայր վարդապետը:

Ի պատասխան հոգեշնորհ Տ. Տիրայր վարդապետի բարի գալուստի խոսքերին, գերաշնորհ

շնորհ Տ. Դերենիկ եպիսկոպոսը շնորհակալություն հայտնեց ջերմ ընդունելության համար, ապա քարոզեց «Ուրախ եղէ ես ոյ՛ք ասէ՛լն ցիս, Ի տուն Տեառն երթիցու՛մ մեք» Սաղմոսից վերցրած բնաբանով: «Սրտեռանդն ուրախ եմ Նորին Ս. Օծություն Վազգեն Կաթողիկոսի կարգադրությամբ ըլլալու Բաքվի հայ ժողովրդին և հայ եկեղեցիության մեջ— ասաց քարոզիչ սրբազանը:— Ուրախ եմ մանավանդ, որ հոս ունիք ժրջանի երիտասարդ առաջնորդական փոխանորդ, քահանա հայրեր և եկեղեցական խորհուրդ, որոնք փոխադարձ հասկացողությամբ և սիրով նվիրված են սույն եկեղեցիով և հոտի պաշտոնության: Մեր «Տոմ Տեառն»-ը Հայոց Մայրենի Ս. Եկեղեցին է: Բոլոր հալերը, ամենուրեք և միշտ, ուրախ ըլլալու են մտնելով անոր սեմին ներս: Այդ ուրախությունը կհանդիսանա ճշմարիտ ուրախություն այն ժամանակ, երբ հավատարմի գտնվինք մեր Ս. Եկեղեցիով ծեսին և ավանդությանց, հավատքին և դավանության: Սրբազանի այս շինիչ քարոզից հետո պաշտվեց երեկոյան ժամերգությունը:

Փետրվարի 24-ին, կիրակի, Բաքվի հայոց Ս. Գրիգոր Լուսավորիչ եկեղեցում հանդիսավոր սուրբ պատարագ մատուցեց Դերենիկ սրբազանը: Եկեղեցին լիքն էր հավատացյալ ժողովրդի բազմությամբ: «Հայր մեր»-ից առաջ քարոզեց պատարագիչ սրբազանը «Եթէ ոք ծառաի իցէ. եկեղեցէ առ իս և արքէ» բնաբանով: Սրբազանը բացատրեց, թե Քրիստոս աղբյուրն է կյանքի և կենդանի ջուրը բոլոր ծառայի հոգեկանի: «Եթե նյութիչ են ջուրը կհանգչեցնե ծառայի մարմինները, հապա որքա՛ն անասնիորեն առավել ևս Քրիստոս, որ իսկ և իսկ ակնադբյուրն է կյանքի»: Սրբազանը շնչոտեց այն հանգամանքը,